



1781, 2
554
28
FACVLTATIS IVRIDICAE
DECANVS

HIERON. FRIDERIC.
SCHORCH, IC^{TVS}

SACRI PALATII CAESAREI COMES, EMINENTISSIMI AC CELSIS-
SIMI PRINCIPIS ELECTORIS MOGVNTINI CONSILIARIVS REGIM.
MEMORATAE FACVLTATIS ASSESSOR SENIOR, DECRETAL.
PROF. PVBL. ORD. NEC NON CIVITATIS ERFORDIENSIS
CONSVL PRIMARIVS,

SOLEMNIA INAVGVRALIA

NOBILISSIMI ET CONSVLTISSIMI HONORVM
DOCTORALIVM CANDIDATI

DN. CHRISTIANI GVILIELMI WEHRN,

PROFESSORIS IVRIS EXTRAORDINARII ET REGIMINIS ELE-
CTORALIS MOGVNTINI ADVOCATI,

DIE XXV. MAI. MDCCLXXXI.

PERAGENDA INDICIT,
SIMVLQVE QVAEDAM

DE


FEVDIS MARCHIONVM BRANDEBVRG. TANQVAM
BYRGGRAVIORVM NORIMBERG. IN AVSTRIA, OCCA-
SIONE PACIS NOVISSIMAE TESCHENSIS,

PRAEFATVR.

ERFORDIAE, LITERIS NONNIANIS,

HERBON FRIDERIC
SCHROCH JOHANN
OLLEBACH JOHANN





Celebratissima in disciplina iuris feudalis est *feudorum in curte & extra curtem distinctio*, curtis vocabulo pro Territorio accepto; atque horum extra curtem feudorum non exiguus in Imperio Romano-germanico numerus est. Praeter principum ecclesiasticorum, qui fere omnes feuda extra territorium suum sita conferunt, extra curtem feuda, inprimis nota & memorabilia sunt ea, quae Rex Bohemiae extra Bohemiam & in specie ipsis Marchionibus Brandeburgicis, nec non ea, quae Marchiones Brandeburgici per Austriam conferunt. *MASCOV Lib.*

* 2

de



de iure feudor. cap. 3. §. 20. not. 3. Illorum recensum dedit LIMNAEVS in *I. publ. T. IV. pag. 360.* horum catalogum alphabeticum edidit STRVV. in *diff. de dominio directo in alieno territorio p. II. §. 9—13.* In originem eiusmodi feudorum extra curtem in genere inquirunt, eaque ex *Oblatione* variis ex causis verosimiliter orta esse demonstrant BVRI in *der Erläuterung des Lehnrechts pag. 624. seq.* BOEHMER de iudice feudorum extra curtem §. 1. quae est in *ei. Observat. iur. feud. Obs. 12.* Quantum vero in specie attinet ad feuda Brandenburg. in Austria, Marchiones Brandenburgici ibi institutam curiam feudalem singularem habent, constituto ibidem summo rerum & causarum feudalium praeposito (einen Gewalthaber und Lehnprobst), coram quibus Vasalli feuda & inuestituram recipiunt, nec enim extra territorium ad domum Domini directi, quod alias intuitu Vasallorum iuris est, euocare hos Vasallos ad inuestituram accipiendam licet, id quod privilegii Archiducum Austriae adscribi solet BOEHMER *cit. Obs. §. 16.* add. BVDER in *Amoenitat. iur. feudal. pag. 24. 25.* Atque olim quidem numerus non parvus horum feudorum in Austria fuit, vt simul sumta Principatum referre potuerint; ast recentioribus temporibus valde is decreuit, multaque ab eorum complexu auulsa sunt teste STRVV. *cit. diff. p. II. §. 8.* Hoc certum est, quod, cum de quanto matriculari Serenissimorum Marchionum moderando superiore seculo ageretur, eius moderationis imperrandae causa inter alia allegata etiam fuerit imminutio horum feudorum perpeffa, & detracta eorum, quae supersunt, vtilitas (das die
Bran



Brandenburgischen Herr und Lehnscapften in den Oestereichischen Landen zum Theil gar entzogen, zum Theil aber auffer allen Ertrag gesetzt worden) MOSERI Staatsrecht P. XXX. pag. 462. §. 6. De origine horum feudorum in Austria non est vna Eruditorum opinio & coniectura. Alii & plerique cum AVENTINO in Annal. Boic. eam deriuant a proelio ad Mähldorff, a. 1322. in quo FRIDERICVS pulcher Austriacus ab Imperatore LYDOVICO Bauero victus est, post quam victoriam nobiles Austriacos captiuos FRIDERICO Burggrauio Norimbergensi ob strenue praestitam operam addictos esse ferunt, qui dein ab illo pro more illorum temporum libertatem per oblationem praediorum suorum in feudum redemissent. vid. LVDEWIG. Germania Princeps L. II. cap. I. §. 9. not. d. OZLETT. SCHLAGER Geschichte des XIVten Jahrhunderts pag. 114. de BÜNAV in Examine dissert. Bucholz. cap. 6. §. 7. apud IENICHEN in Thesauro iur. feud. T. III. pag. 719. IMHOFF. in Notitia procerum Lib. IV. cap. 3. §. 29. ibique KOELER in Addit. Alii vero deriuare eam malunt a Comitissa in Ragze, Sophia, quae vxor fuit Burggrauii Norimb. FRIDERICI, quamque, dicunt, vendidisse Leopoldo Duci Austriae Comitatum hunc Rezensen (Ragze) in Austria situm, reseruato dominio in Vassallos directo, quam sententiam situs horum feudorum fere confirmat & probabilem reddit. vid. STRVV. cit. diff. §. 6. SCHROPTERS Versuch einer Oestereichischen Staats-Geschichte pag. 357. Iam, quantum ad haec feuda attinet, in nupera pace Tescheni Artic. XI. inter Imperatricem qua Reginam Bohemiae & inter Regem



gem Borussiae conuentum est, vt in casum quo Principatum Anspacensem & Baruthinum olim Electoratu Brandenburgico reuniri contigerit, nexus ille clientelaris & dominium directum eo vsque a Marchionibus in Austria exercitum penitus cessare & finem accipere debeat, sicut vicissim nexus clientelaris & dominium directum, quod Rex Bohemiae in illis Principatibus intuitu quorundam feudorum exercet, cessare penitus debet. Hac renunciatione domini directi vtrinque in euentum hunc conuenta materia variarum altercationum circa habitum eiusmodi feudorum extra curtem erga dominum territorialem & de limitibus domini directi in alieno territorio occurrentium felicissime subtracta est.

Sed veniendum nunc mihi est ad eum, cuius causa haec sum praefatus. Est ille

VIR NOBILISSIMVS ATQVE CONSVLTISSIMVS
DN. CHRISTIANVS GVILIELMVS WEHRN,

PROFESSOR IVR. EXTRAORD. ET REGIM. ELECT.
MOGVNT. ADVOCATVS,

qui laudabilem vitae suae cursum ipse sequentibus retulit verbis:

Natus sum Erfordiae nonis Aprilis 1746. Parentes optimi contigerunt b. IO. CASP. WEHRN, Xenodochii praefectus, atque orta gente de GERSTENBERG MARTHA SOPHIA, quae tantis me complexa est beneficiis, vt nulla vnquam pietas referendae gratiae possit sufficere. In schola

schola Gregoriana meritissimus Dn. Rector REICHARD-
TVS, in Gymnasio autem Senatorio celeberrimi colendissi-
mique Domini BESLERVS, RYMPELIVS, AD-
LVNGIVS, SCHLOTTWEIN & FRANCKE in
primis me erudiendo deinxerunt, quibus gratias, quas
possum, maximas ago. Gymnasio valedixi in examine
vernali 1763, atque in Hierana me numero civium acade-
micorum adscriptum Philosophiae quasdam partes celeberrimi
Domini BÄVMERVS, PLÄVBELIVS & b.
BOHNE, elementa vero iuris illustris D. SCHORCHIUM,
docuerunt. Exaeto spatio semestri adii Georgiam Augu-
stam, ibique plus biennio in studia incubui. Ius mihi
tradiderunt viri laude ingenii atque eruditionis conspicui,
longeque gentium illustres, Domini PÜTTERVS, BOEH-
MERVS, MEISTERVS, BECKMANNVS, de SEL-
CHOW ac HABERNIKEL, quorum nomina venera-
bundus pio animo prosequor. Reducem in patriam cele-
berrimus atque integerrimus b. HOMMELIVS in usu,
qui in foro est, me instruxit. Anno ineunte 1772. il-
lustrissimus atque excellentissimus D. de KETTENBURG,
ordinis S. Annae eques, Praefectus militum, Camerarius
& Praetor Tremsbüttelii Holsaticus ad id me ar-
cessiuit, ut ipsi essem ab epistolis. Quo munere, quam-
uis Dominus indulgentissimus maxima in me usus fuerit
gratia, me abdicavi anno 1775, & mihi in patriam reuer-
so eodem anno aduocati, atque anno 1779. Professoris pro-
uincia clementissime demandata est. Du-



Dudum ille Facultati nostrae, exantlato Examine rigorofo & scita enodatione textuum ad resoluendum praescriptorum, adquisitam legalem scientiam abunde adprobauit, & ideo ad vltiora specimina inauguralia libenter admissus fuit. Nunc vero in eo est, vt & his, quae reliqua sunt, speciminibus praestitis viam sibi ad supremos in vtroque iure honores paret, quare proxima die Veneris in Lectione Cursoria *L. 61. ff. de Legat. 1.* interpretabitur, eaque finita Dissertationem suam inauguralem

DE

ACTIONE PAVLIANA

publice tuebitur. Quibus actibus solennibus vt plurimum Reverendus & Magnificus Vniuersitatis Rector, illustrissimus Comes, ceterique Academiae Proceres & cives haud grauatim interesse velint, ea, qua par est, obseruantia & humanitate invitantur. Publ. sub sigillo facult. iurid. d. 20. Maii A. O. R.
MDCCLXXI



X 231 0747

ULB Halle

3


007 469 942



V018







B.I.G.

Farbkarte #13

554
28

1781, 2

ATIS IVRIDICAE
CANVS

FRIDERIC.
RCH, IC^{TVS}

I COMES, EMINENTISSIMI AC CELSIS-
IS MOGUNTINI CONSILIARIUS REGIM.
ATIS ASSESSOR SENIOR, DECRETAL.
EC NON CIVITATIS ERFORDIENSIS
NSVL PRIMARIUS,

INAUGVRALIA

CONSULTISSIMI HONORVM
ALIVM CANDIDATI
NI GVILIELMI WEHRN,

TRAORDINARI ET REGIMINIS ELE-
MOGUNTINI ADVOCATI,
MAI. MDCCLXXXI.

AGENDA INDICIT,
LQVE QVAEDAM
DE

VM BRANDEBVRG. TANQVAM
ORIMBERG. IN AVSTRIA, OCCA-
NOVISSIMAE TESCHENSIS,

PRAEFATVR.

AE, LITERIS NONNIANIS,

